

SCRIPT OF EVENING GOJRI NEWS BULLETIN 23APRIL 2025

1700HRS

اونینگ گو جری نیوز بلیٹن مورخہ 23 اپریل 2025

یوہ آکا شوانی جموں بے ظفر اقبال تے نصرت تیں خبر سَنو۔

HEADLINES

- ۱۔ مرکزی وزیر داخلہ امت شاہ نے پہلگام حملہ گا متاثرین نانہہ پھلاں تیں خراج عقیدت پیش کی وتے کہی وبھارت دہشت گردی تیں نی ڈرتو۔
- ۲۔ جموں کشمیر حکومت نے پہلگام حملہ گا متاثرین نانہہ مالی امداد دین غو اعلان کی وتے کہیو مجرمان نانہہ ضرور سزا دتی جے غی۔
- ۳۔ پہلگام حملہ مانہ ماریا گیا افراد غا غم مانہہ جموں غالوکاں نے کاروبار بند کیو تے پورا جموں کشمیر مانہہ ہڑتال نظر آئی۔
- ۴۔ فوج نے اوڑی بارہمولہ غے قریب سرحد ور دراندازی کی کوشش ناکام بنائی ۲ دہشت گرد ماریا گیا تے اُن غے کولوں ہتھیار بد آمد کیا گیا۔
- ۵۔ پھسیہ وا مسافراں واسطے خاس ریل تے ہوائی جہاز چلایا گیا۔ سڑک غی مرمت غی وجہ تیں قومی شاہراہ این ایچ ۴۴ بند رہیو۔

HM TRIBUTES

مرکزی وزیر داخلہ امت شاہ نے اج زور دیتا واں کہی وجے بھارت کرے وی دہشت گردی غے اگے نے جُکے گو۔ جناب شاہ نے مزید کہیو جے پہلگام حملہ گا زمہ داراں نانہہ کسے وی قیمت ور بخشیونی جے غوموزیر داخلہ نے سرینگر مانہہ پولیس کنٹرول روم مانہہ حملہ گا متاثرین نانہہ دلی خراج عقیدت پیش کیو تے اس المناک واقعہ مانہہ اپنی جان گنوان آلا غا غم زدہ لوا حقیق سنگ وی ملاقات کی شاہ نے بعد مانہہ پہلگام حملہ ہون غی جگہ غو وی دورو کیو تے موجودہ صورتحال غو خود جانیزو لیو۔ اس تیں بعد انہاں نے سرکاری طبی کالج انتت ناگ ہسپتال مانہہ زخمی ہون آلا غی صحت بارے وی پوچھ تاچھ کی سرکاری زرائع غے مطابق کل پہلگام حملہ مانہہ دو مقامی لوکاں سمیت ۶۲ سیلانی اپنی جان گنوا بھتا تھا پولیس تے انٹیلیجنس ایجنسیاں نے مشتبہ حملہ آواراں گ اخانہ جاری کردتا ہیں۔

JK GOVT EX GRATIA

جموں کشمیر حکومت نے پہلگام دہشت گرد حملہ مانہہ جاں بحق ہون آلا افراد غ الواحقین واسطے ۰۱ لکھ روپیہ معاوضہ گو اعلان کیو بے شدید زخمی افراد نانہہ ۲ لکھ روپیہ تے معمولی زخمیاں نانہہ ۱۲ ہزار روپیہ دتا جین گا۔ حکومت نے معصوم شہریاں ور اس وحشیانہ حملہ غی شدید مزمت کی بے جاں بحق افراد غی میتاں نانہہ باعزت طریقہ تیں منتقل کرن غا انتظامات کیا جارہیا ہیں تے زخمیاں نانہہ بہترین طبی سہولیات فراہم کی جارہی ہے۔ حکام نے وعدہ کیو کہ حملہ غا زمے داراں نانہہ جلد ہی انصاف گا کٹہرا مانہہ لایو جے غو۔ دہشت گردانہ حملہ مانہہ ہلاک ہوا لوکاں نانہہ خراج عقیدت پیش کرن واسطے اج سرکاری دفتراں غا تمام عملہ نے دن غے ۳ بج غے ۰۳ منٹ ور ۲ منٹ غی خاموشی اختیار کی۔

COMPLETE BAND JK

پہلگام مانہ سیلانیاں گا وحشیانہ قتل غے خلاف برا پیمانہ ور غم تے غصہ غے باعث جموں تے وادی کشمیر دواں مانہ مکمل بند دیکھیو گیو پورا مرکزی زیر انتظام آلا علاقہ مانہ مظاہرو کی وگیو ہے تے اس سلسلہ مانہ لوک انصاف غو مطالبو کر رہیا ہیں۔ جموں مانہ مختلف سماجی سیاسی تے تجارتی تنظیم سڑکاں ور نکل آئی ہیں جس گا نتیجہ مانہ امن و امان نانہ یقینی بنان واسطے حساس علاقان مانہ اضافی پولیس تے نیم فوجی دستہ تعینات کیا گیا ہیں۔ بازار دکان تے ٹرنسپورٹ خدمات بند ریں کیوں جے شہری متاثرین غے سنگ اظہار یکجہی پیش کر رہیا ہیں تے دہشت گردی غے خلاف فیصلہ کن کاروائی غو مطالبو کریں جموں کشمیر مانہ مکمل بند غے بعد معمولی زندگی ٹھپ ہو غے رہ گئی ہے اس موقع ور ایم ایل اے مشرقی جموں یڈوہیر سیٹھی نے کیچ اس طرح کہیو۔

RAJNATH SECURITY REVIEW

وزیر دفاع راج ناتھ سنگھ نے اج وادی کشمیر غی موجودہ حفاظتی صورتحال غو جائیزو لیو۔ فوجی زرائع غے مطابق آرمی چیف جنرل یویندر دیودی نیوی چیف ایڈمرل دینیش تری پاتھی تے ایر فورس چیف مارشل اے پی سنگھ سمیت دیگر اعلیٰ افسران نے پہلگام دہشت گرد حملہ تین بعد صورتحال ور معلوماتی وضاحت کی۔ اعلیٰ افسر متاثرہ علاقان مانہ پُچ چکا ہیں۔ تے مقامی دستہ نانہ ہائی الرٹ ور کردتو گیو ہے تانجے انسداد دہشت گردی غی کاروائیاں نانہ مزید تیز کیو جاسکے۔

SECURITY BEEFED UP

پہلگام مانہ سیاحاں ور دہشت گردان غا حملان تین بعد جموں کشمیر بھر مانہ حفاظت غا سخت انتظام کردتا گیا ہیں خاص طور ور سرحدی ضلع پونچھ تے راجوری مانہ پونچھ مانہ مغل سڑک ور ۵۲ تین زیادہ ناکا قائم کردتا گیا ہیں کیونجے جموں سرینگر قومی شاہراہ بند ہونگی وجہ تین اہم رستو یوہ ہی ہوگیو ہے نگرانی تلاشی تے فوج غی تعیناتی مانہ اضافو کیو گیو ہے تے حکام مکمل طور ور ہائی الرٹ ور ہے۔ اس سلسلہ مانہ ایس ایس پی ڈوڈھ سندپ مہتا نے بولتا واں کُج اس طرح کہیو۔ وادی کشمیر مانہ وی حفاظتی دستاں نے نگرانی بدھا دتی ہے فوج سی آر پی ایف تے جموں کشمیر پولیس غی مشترکہ کاروائیاں جاری ہیں۔ ناکا فوری رسپانس فورس ٹیم تے کھوج کرن آلا کتاں غی مدد تین حملہ آوراں غی تلاش جاری ہے سیاحتی مقامات جسران کہ گلمرگ تے سانامرگ مانہ وی حفاظت غا سخت انتظام کردتا گیا ہیں۔

BARAMULLA INFILTRATION

ایک اہم انسداد دہشت گردی کاروائی غے دوران حفاظتی دستاں نے شمالی کشمیر گا بارہمولہ ضلع غا آری نالہ علاقہ مانہ دراندازی غی کوشش ناکام بنادتی۔ بھاری فائرنگ غا تبادلہ مانہ ۲ دہشت گرد ہلاک ہو گیا۔ موقع ور بڑی مقدار مانہ ہتھیار، گولہ بارود تے جنگی سازو سامان برآمد کیا گیا آپریشن اجیں جاری ہے۔

SPECIAL TRAIN FLIGHTS NH

پہسیہ واہ مسافراں غی مدد تے بھیڑ نانہ سنبھالن واسطے ایک خصوصی ریل شری ماتا ویشنو دیوی کٹرہ تین نوی دہلی واسطے چلائی گئی ہے ریل نمبر 04612 رات 9 بجے غے 20 منٹ ور کٹرہ تین روانہ وے غی تے ادھمپور تے جموں توی سٹیشنن ور رپکے غی۔ یہ ریل

سویرے 9 بجے 30 منٹ ور نوی دہلی پُجے غی۔ کٹرہ، ادھمپور تے جموں سٹیشن ور کاونٹر غے زریوے ٹکٹ دستیاب ہیں۔ یہ سروس مسافراں واسطے محفوظ تے آرام دہ سفر نانہہ یقینی بنان واسطے شروع کی گئی ہے۔ دوجی جانب قومی شاہراہ ۴۴ اجیں توڑی گڈیاں لاریاں گی او جائی واسطے بند ہے کیونجے مرمت غو کم جاری ہے۔ اس بارے پیش ہے مارا نامہ نگار غی یاه ریوٹ۔ پہلگام دہشت گرد حملہ غے پیش نظر اج سرینگر تیں دہلی تے ممبئی واسطے چار خصوصی پرواز دستیاب کی گئی ہیں مزید پرواز ویں تیار حالت مانہہ رکھی گئی ہیں تانجے ضرورت پین ور سیاحاں نانہہ محفوظ جگہ منتقل کرن مانہہ مدد دتی جاسکے۔ ہوائی سفر غا وزیر رام موہن نائڈو نے وزیر داخلہ امت شاہ تیں اس معاملہ ور گل بات کی تے صورتحال ور مسلسل نظر رکھیا وی ہیں۔

HANDICRAFTS AWARDS

دفتر برائے ترقیاتی کمشنر دستکاری وزارت ٹیکسٹائل نے باقار دستکاری اعزاز ۲۰۲۰ ۴۲۰۲ واسطے درخواست طلب کی ہیں ۰۳ سال تے اس تیں زیادہ عمر غا دستکار کم از کم ۰۱ سال غا تجربہ غے سنگ قومی اعزاز واسطے درخواست دے سکیں جدکہ ۰۲ براں غا تجربہ غے سنگ ۰۵ سال یا اس توں زیادہ عمر گا دستکار سلیپ گرو اعزاز غا اہل ہیں تے اس طرح کل ۵۲ اعزاز سنگ نوازیو جیں گا سلیپ گرو اعزاز مانہہ زیادہ توں زیادہ ۶ جدکہ ۹۱ قومی اعزاز غا زمرہ مانہہ درخواست فارم جمع کران غی آکری تاریخ ۲۱ مئی ۲۰۲۰ رکھی گئی ہے دلچسپی رکھن آلا دستکار دستکاری خدمت سینٹر اکھنور سڑک جموں سنگ رابطو کرسکیں یا ور دستیاب ہیں۔ www.handicrafts.gov.in پھر

SURYAGHAR RAJOURI

سبز توانائی نانہہ اپنان واسطے ایک اہم قدم مانہہ راجوری ضلع غا کیری گران گا ایک کسان پریتم لال نے اپنا سرحدی بلاک مانہہ وزیر اعظم سوریہ گھر مفت بجلی یوجنا غے تحت سولر پلانٹ لان آلو پہلو شخص بن گیو ہے۔ حکومت غا اقدام غی تعریف کرتا واں انہاں نے اشتراک کی وجے یہ سکیم غریباں واسطے مفت بجلی نانہہ یقینی بناوے تے سولر پلانٹ لان ور ریاعت وی دستیاب کراوے پریتم نے دوجا لوکاں نانہہ وی کی وجے وے وی اس لاسکیم توں فائدو چاویں۔ جناب پریتم نے مزید کی وجے اُنگو بجلی گو بجلی غو مہنہ گو بل ہون صفر اوے۔

SPORTS EVENT KATHUA

کٹھوعہ مانہہ یوتھ سروسز اینڈ سپورٹس غے زیر اہتمام زونل لیول گا انٹر سکول تقریب منعقد ہوئی جس مانہہ ۰۰۴ تیں زیادہ طلبہ نے والی بھال، کبڈی، کھو کھو تے کرکٹ مانہہ حسو لیو۔ ڈونل پھزیکل ایجوکیشن آفیسر سوچیترا مہتا نے کھیو کھیڈ نوجواناں نانہہ منشیات غی بدت تیں دور رکھے۔ انہاں نے مزید اس طرح کہیو۔
